

Latit.
Gr. Scr.

Longit.
Gr. Scr.

18 INDEX GEOGRAPHICUS.

40. 30.

55. 55.

Assur, & ædificavit Niniven. Ab ipso Assur Assyria dicta est, & Assur Regio ubique pro Assyria dicitur.

37. 30.

82. 30.

Assos urbs. Actuum 20. v. 13. & 14. à Troade Asson venit Paulus, ab Asso navigavit Mitylenem cum rediret è Macedonia.

Assyria, Asiæ Regio sacris, profanisque Scriptoribus notissima, & quæ ab Assur filio Sem nomen habet: hujus situs est ad Tigrim fluv. sive ad Tigris Orientalem partem; ubi Assur ædificavit civitates Niniven, & Chale, & Refen. Sed in Veteri & Novo Testamento Assyriæ nomen nullum est, nisi sub nomine Assur. Benè quidem Assyriorum, quorum Reges nominantur Phul 4. Reg. 15. v. 19. & alibi. Teglati-phalasar eod. cap. v. 29. qui Tribus Nephthali, Aser, & dimidiam Manasse transtulit in Assyrios. Salmanasar, 17. v. 3. qui etiam transtulit alias septem Tribus Israël. Sennacherib, 18. v. 13. quo Ierusalem obsidente ejus exercitus centum & octoginta quinque millium ab Angelo percussus est, 19. v. 35. Assarraddon eod. cap. v. 29. Nabuchodonosor multoties in Iudith, & qui Sedeciam Regem Iuda, Ierusalemque cepit, & Iudæos in Babyloniam transtulit; sed jam à Nabuchodonosore ipso, Reges ii, Reges Babylonæ, aut Reges Chaldæorum dicuntur.

33. 56.

68. 17. $\frac{1}{2}$

Astaroth, quæ & Basan, & Bosran. Deuter. 1. v. 4. Og Rex Basan, qui mansit in Astaroth, & in Edrai. Iosue 12. v. 4. Terminus Og Regis Basan de reliquiis Raphaïm, qui habitavit in Astaroth, & in Edrai; sic aliquoties hæ duæ urbes conjunguntur, quod sedes fuerint Og Regis Basan. Ex 1. Reg. 31. Saülis interfecti corpus in muris Bethsan suspendunt Philistæi, & posuerunt arma ejus in templo Astaroth, quod erat (ut credere est) in urbe Astaroth. Nihilominus ipsa inter Leviticæ urbes est, 2. Paral. 6. v. 71. cui respondet Basan etiam Levitica urbs familiæ Gerson concessa ex Iosue 21. v. 71. pro Basan legunt alii Bosran, alii Bosram, ut cum Bosra Ptolemæi, aliorumque conveniat. Inter fortes Davidis est Osia Astarothites 1. Paralip. 11. v. 44.

36. 50.

62. 30.

Attalia Act. Apost. 14. v. 24. ubi nomen scribitur cum duplici tt, quod aliis omnibus cum simplici. Urbs est in littore Pamphiliæ.

81. 57.

67. 32.

Ataroth Numer. 32. v. 3. & seq. Ataroth, & Dibon, & Iazer; aliæque urbes à filiis Ruben, Gad, & dimidia Tribus Manasse, pro sorte sua expetuntur; quod earum territoria alendis animalibus, quibus abundabant, essent apta. v. 34. Extruxerunt filii Gad, Dibon, & Ataroth, & Aroer, &c. De urbibus Archi-Atharoth, Atharoth, & Atharoth-Addar jam diximus in Atharoth.

31. 18.

66. 27.

Athach urbs una ex iis, ad quas David partem misit de præda, quam eruerat ab Amalecitis, qui Siceleg incenderant, 1. Reg. 30. v. 30. sed loci illius nulla amplius mentio, vereorque ne eadem sit atque Athmatha.

31. 18.

65. 52. $\frac{1}{2}$

Athar. V. Etham, Ætham.

31. 56.

67. 17.

Atharoth & Archi-Atharoth & Atharoth-Addar Iosue 16. v. 5. Et factus est terminus filiorum Ephraïm... contra Orientem Atharoth-Addar, usque Bethoron superiorem. v. 6. Egreduunturque confinia in mare. eod. cap. meminit Iosue Atharoth v. 7. descenditque de Ianoe in Atharoth, & Naaratha, & pervenit in Iericho: egrediturque ad Iordanem. & paulò ante v. 2. & egreditur (limes Meridionalis Ephraïm) de Bethel-luza, transitque terminum Archi-Atharoth. v. 3. & descendit ad Occidentem juxta terminum Iesleti, usque ad terminos Bethoron inferioris, & Gazer, finiunturque regiones ejus Mari magno. Sunt ergo in Ephraïm Archi-Atharoth, Atharoth, & Atharoth-Addar tres urbes. Archi-Atharoth in ea Meridionali linea, quæ distinguit Tribus Benjamin & Ephraïm. Atharoth in terminis, qui ad Orientem, & Iordanem sunt. Atharoth-Addar etiam in Oriente, sed quæ ad Tribum Manasse propius accedat.

31. 54.

66. 50.

32. 2. $\frac{1}{2}$

67. 21.

Athe-